



TOSHKENT HAQIQATI

1928 yil 11 dekabrda asos solingan

Хамкорлик

Истиқболли лойиҳалар қўлами кенгайди

Тошкент вилояти ҳокими вазифасини бажарувчи Зойир Мирзаев Жанубий корейлик инвестор жаноб Кихак Сунг билан учрашди.

Таъкидланишича, бугунги кунга қадар мазкур сармоядор шафелигида "YOUNGONE" корпорацияси томонидан Ўзбекистон Республикасига жами 25 млн. АҚШ доллари миқдорда тўғридан-тўғри хорижий инвестиция киритилган. Шундан 6 млн. АҚШ доллари Тошкент вилояти ҳиссасига тўғри келади.

Мулоқотда "YOUNGONE CORPORATION" иштирокида Бўка туманида жойлашган "BUKA SPORTSWEAR" ХК МЧЖда амалга оширилаётган инвестицион лойиҳаларни кенгайтириш юзасидан фикр алмашилди.

Учрашув чоғида Ўзбекистон Республикаси Президентининг 2021 йил 16-18 декабрь кунлари Жанубий Кореяга ташрифи чоғида жаноб Сунг мамлакатимизга 30 млн. АҚШ долларидан ортиқ миқдорда инвестиция киритиш таклифини билдиргани эсга олинди.

Зойир Мирзаев корейлик ишбилармонлар билан ҳамкорликка ҳамиша тайёр эканлигини билдирди ҳамда ҳамдўстлик алоқаларини янада мустаҳкамлаш, корхоналар фаолиятини рағбатлантириб бориш, инвесторлар билан ҳамжиҳатликда ишлаш юзасидан ўз фикрларини баён қилди.

Тошкент вилояти ҳокими вазифасини бажарувчи Зойир Мирзаев Тошкент туманида амалга оширилаётган бунёдкорлик жараёнлари, тадбиркорлик йўналишидаги ишлар билан танишди.

Вилоят раҳбари дастлаб янгидан қуриб битказилган суд биносидаги шароитларни бориб кўрди. Шуни алоҳида таъкидлаш жоизки, Тошкент туманида илк мартаба экспериментал тарзда, иқтисодий, маъмурий, жиноий ва фуқаролик суд жараёнларини ўтказиш учун шароит яратилган. Шу билан бирга, суд биноси интернет тармоғига уланган бўлиб, бу ерда онлайн судлар ўтказиш имкони мавжуд.

НАТИЖАЛАР САЛОҲИЯТГА ЯРАША...МИ?



Бунёдкорлик

Мазкур биного ёндош ҳудудда "Туман тарихи музейи" жойлашган. Унинг ташкил этилишида асосий эътибор тарихий-маданий жараёнларнинг қадимги даврлардан ҳозирги кунга қадар бўлган тараққиёт босқичларини тарихий ашёлар, тасвирий воситалар орқали намойиш этишга қаратилган.

Музей экспозицияларида туманда яшаб, хизмат қилган эл таниган инсонларнинг портретлари, туман ҳокимлари, депутатларининг тарихий воқеликларда иштирок этган жараёнлари, шу билан бирга, туман ахлининг бой аъёнлари ва маданияти ифода этилган. Кейинги иншоот туман маркази-

даги "Универсал" спорт мажмуаси бўлди. Туман Болалар-ўсмирлар спорт мактаби филиали учун 36x36 ўлчамдаги кўп функцияли спорт мажмуасида 12x24 ўлчамли сунъий қопламали мини-футбол майдони ҳам барпо қилинган бўлиб, лойиҳанинг умумий қиймати 4 млрд. 120 млн. сўмни ташкил этади.

Зойир Мирзаев туманда маданият ва санъатни ривожлантириш мақсадида қуриб битказилган "Маданият саройи" биноси ва амфитеатрда томошабинлар ва ижодкор ёшлар учун яратилган шароитларни ҳам кўздан кечирди.

Тошкент туманида деярли янги-дан барпо этилаётган "Ақушерлик

комплекси" Президентимизнинг 2021 йил 28 июлдаги "Соғлиқни сақлаш соҳасида ихтисослаштирилган ёрдам курсатиш тизимини янада такомиллаштириш чора-тадбирлари тўғрисида"ги Қарорига мувофиқ, бугун "перинатал марказ" сифатида қайта юз очаетгани ҳам вилоят ҳокими эътиборини тортди.

Ёшларга оид давлат сиёсати – амалда

ЯНГИОБОДЛИК ЕТАКЧИ



Президентимизнинг «Маҳаллаларда ёшлар билан ишлаш тизимини тубдан такомиллаштириш чора-тадбирлари тўғрисида»ги Қарори ёшлар билан ишлашнинг янги босқарув механизмларини жорий этиб, уларнинг муаммоларини бевосита маҳаллаларда ҳал этиш, таълим муассасаларида маънавий-маърифий ва тарбиявий ишларнинг самардорлигини янада оширишда дастуриламал бўлиб хизмат қилмоқда. Айниқса, ҳар бир маҳаллада жорий этилган ёшлар етакчиларига катта масъулият юкланди.

Назорат
"Кўча савдоси"нинг кўпдир ғавғоси... 2

КОРРУПЦИЯ
Жамият ривожига жиддий тўсиқ 2

ВИЛОЯТ БЎЙЛАБ

ЧИРЧИК давлат педагогика институтининг "Мактабгача таълим" факультети "Болалар спорти" кафедраси ташаббуси билан "Инсон қадрини улуглаш ва фаол маҳалла йили"га бағишлаб "Спорт – нафислик ва саломатлик манбаи" шiori остида талаба-ёшлар ўртасида "Гимнастрада" спорт мусобақаси бўлиб ўтди.

Республика маънавият ва маърифат маркази **ҚИБРАЙ** тумани бўлими ва туман Аҳборот кутубхона маркази ҳамкорлигида умумтаълим мактаблари ўртасида "Энг ёш китобхон ўқувчи" кўрик-танловининг якуний босқичи ўтказилди.

Танловда фахрли ўринни эгаллаган ўқувчиларга китоблар тўплами ва фахрий ёрликлар тақдим этилди.

НУРАФШОН шаҳрида "Ҳоким ва ёшлар" учрашуви бўлди. Унда тадбиркорлик, контракт тўлови ҳамда бошқа масалалар бўйича ёшлар мурожаати юзасидан мутасадди ташкилот раҳбарларига топшириқлар берилди. Шунингдек, "Ёшлар жамғармаси" ҳисобидан ўзини ўзи банд қилишни хоҳловчи ёшларга ноутбук жамланмалари, электр печь берилди.

ЎРТА ЧИРЧИК туманидаги "Бунёдкор" маҳалла фуқаролар йиғини биносида туман ҳокими Ихтиёр Қосимов бошчилигида йиғилиш ўтказилди.

Йиғилишда "Аёллар дафтари" бўйича амалга оширилаётган ишлар ҳамда чет элда ишлаб юрган хотин-қизларни юртимизга қайтариш ва иш билан таъминлаш, шунингдек, хатлов масалалари муҳокама қилиниб, тегишли топшириқлар берилди.

ПИСКЕНТ туманида "Ёшлар дафтари"га киритилган 23 нафар талабанинг 74 млн. 457 минг сўмлик контракт тўловлари;

8 нафар йигитнинг 46 млн. 229 минг сўм муқаддас хизматга сафарбарлик чақируви тўловлари;

оилавий шароити оғир 5 нафар ёшга 5 млн. 400 минг сўм бир марталик моддий ёрдам пули тўлаб берилди.

БЎСТОНЛИҚ тумани ҳокими Ж. Аҳмедов "Ёшлар дафтари"га киритилган йигит-қизлар билан учрашди.

Уларнинг муаммо ва таклифларини тинглаб, 6 нафарига инкубатор ускуналари, 2 нафарига ноутбук, бир нафарига карчер ва 30 нафар ёшга тикув машиналари топширди.

Унда вилоят ҳокимининг ўринбосари Жамшид Бабажанов, вилоят халқ таълими бошқармаси бошлиғи Азамат Камалов, ҳудудий халқ таълими бўлимлари муҳаллилари, ота-оналар ҳамда ҳуқуқ-тартибот идоралари вакиллари иштирок этди.

Мулоқотда халқ таълими тизимини янада яқинлаштириш, коррупцион ҳолатлар ҳамда уларга нисбатан қўрилган чоралар очикланди. Энг ачинарлиси, пора бериш ва пора олиш, таниш-билишчилик иллатига қарши фикрларни шакллантириб бориш зарурлиги, ёшлар қалбига йўл топиш, поклик ва ҳалоллик фазилатларини сингдириш, бунинг энг мақбул педагогик ҳамда услубий жиҳатларини топиш ва жорий этиш ҳақида таклифлар билдирилди.

Худди шундай мулоқот вилоят Мактабгача таълим бошқармаси ва унинг ҳудудий бўлинулари вакиллари, мактабгача таълим ташкилотлари мутасаддилари иштирокида ҳам ўтказилди.

Ташаббус

Хабарингиз бўлса, Пискент туманида 5 гектар ерга енгил конструкцияли иссиқхоналар қурилди. Улар 10 сотихдан аҳолига 33 миллион сўмлик кредит асосида берилди.



ҚУЛУПНАЙНИНГ ФЙДАСИНИ "ҚУРТ" ДЕК САНАЎТГАНЛАР

– Ерлар асосан ишсиз. "Ёшлар", "Аёллар" ва "Темир" дафтларларга рўйхатга олинганларга берилди, – дейди Муҳиддин ака. – Ҳозирда терим авжида. Асосийси, аҳоли мамнун. Кунда-кунора кўнгираклар бўляпти. Кредитларининг анчагина қисмини олдиндан ёпишгани ҳақидаги хабарларни эшитиб, хурсанд бўлялман.

тиб, қизиқиб қолдим. Бу нав серҳосиллиги, тезпишар ва ширин таъми билан ажрәлиб туради. Асосийси, совуққа чидамли. Яъни, сиз помидор ёки бодринг эксангиз, совуқ уриб қолса, ҳосил билан бирга кўчатдан ҳам айрилмасиз. Қулупнайнинг бу навида эса ҳосилни

Эндликда юртимиздаги супермаркет ва бозор расталаридан йилнинг исталган вақтида қулупнай харид қилишимиз мумкин. Бунга уддабурон тадбиркор акамиз ҳам ўз ҳиссасини қўшмоқчи. У гидропоника усулида қулупнай етиштириш учун қурилиш ишларини бошлаб юборган. Насиб қилса, шу йилнинг август ойларига биринчи кўчатлар экилади ва йил буйи бозорларимиздан қулупнай аримайди.



Муҳиддин ака Янгийул туманида 2018 йил "Farming leader Samarqand" масъулияти чекланган жамиятини ташкил этиб, қулупнай етиштиришни бошлаган эди. Дастлаб 30 сотихдан бошланган иш бугунга келиб, 6 гектарга етди. Шундан 1 ярим гектарда қулупнай етиштирилмоқда.

ёки гулини йўқотишингиз мумкин. Лекин кўчатни йўқотмайсиз. У қайта ўсиб, ҳосил беришда давом этади. Ҳозир кўриб турганингиз ўтган йилги кўчат. Иккинчи йил ҳосил берапти. Мартнинг охиридан теримни бошлаган эдик, жараён июнь ойида ҳам давом этади.

Нозима РАСУЛОВА Тошкент ҳақиқати/Аброр ЭСОНОВ оған суратлар

Тилим - толеим

СЕВГИНИНГ МИНГ ЖИЛОСИ

Ҳаётда кимнингдир бировга "илиқ муносабатда бўлгани" ёки бошқа бир инсоннинг "Шунга ҳеч кўнглим илимади-да", деганини эшитиб қоламиз. Қизиг-а, муносабатнинг ҳам ҳарорати бўлади: иссиқ, совуқ, илиқ, илимилиқ...

"ВОРОНКА"НИНГ ЎЗБЕКЧАСИ
Оғзи тор идишларга суюқлик қуйиш учун ишлатиладиган воронкани ҳаммамиз биламиз. "Воронка" ўрисча сўз бўлиб, "найча" деган маънони билдиради.

ЎЗИМИЗНИНГ "АЙВА"
Беш жилдди Ўзбек тилининг изоҳли лугатида (Тошкент, 2006 йил, 1-жилд, 249-бет) беҳи олмасимон хушбўй мева бўлиб, асли форсча сўз экани айтилган.

ОТНИНГ ҲАМ ОТИ БОР
Устоз шоир, тилшунос олим Эшқобил Шукурнинг "Бобо сўз изидан" китобида айтилишича, отлар ёшига қараб турли номлар билан аталади.



TOSHKENT HAQIQATI TASHKENTSKAYA PRAVDA



Muassis: TOSHKENT VILOYATI HOKIMLIGI

- Zoyir MIRZAYEV (tahrir hay'ati raisi)
Ummat MIRZAQULOV
Hotamjon SAYDAHMEDOV
G'afurjon MUHAMEDOV
Mahmud TOIR
Uskenboy ATEMOV
Salom SAMADOV
Abdulla XURSANOV
Mahmudjon BOLTABOYEV
Ra'no TURDIBOYEVA
Sergey MUTIN
Zarifa ERALIYEVA
Azamat KAMOLOV

Bosh muharrir: G'ayrat SHERALIYEV

Qabulxona: (71) 233-64-95

Bosh muharrir o'rinbosari: (71) 233-70-10

Mas'ul kotib: (71) 233-90-82

Bo'lim muharrirlari: (71) 233-38-23, (71) 233-48-08

E'lonlar va hisob-kitob bo'limi: (71) 233-54-10

e-mail: toshkenthqiqati@umail.uz

Navbatchi muharrir: KUMUSH EGAMBERDIYEVA

Mas'ul kotib: AlIoma AZIZOVA

Navbatchi: Javlon HALILOV

Bosishga topshirish vaqti - 21.00. Bosishga topshirildi - 22.00

Nashr ko'rsatkichi - 205. Buyurtma G-435.

4 110 nusxada chop etildi. Hajmi - 2 taboq. Ofset usulida bosildi. Qog'oz bichimi A-2.

Bahosi kelishilgan narxda.

Toshkent viloyati Axborot va ommaviy kommunikatsiyalar boshqarmasida 2011-yil 12-yanvarda 03-001 raqami bilan ro'yxatga olingan.

Manzillimiz: 11500, Nurafshon shahri, Toshkent yo'li ko'chasi, 90. Toshkent shahridagi ofsimiz: 100000, Matbuotchilar ko'chasi, 32.

ISSN 2010-9318.

Gazeta «Toshkent haqiqati» tahririyati kompyuter markazida terildi va Tohir Mahmudxo'jayev tomonidan sahifalandi.

Haftaning chorshanba va shanba kunlari chiqadi.

«SHARQ» nashriyot-matbaa aksiyadorlik kompaniyasi bosmaxonasida bosildi.

Korxonamanzili: Toshkent shahri, Buyuk Turon ko'chasi, 41-uy. 1 2 3 4 5 6

Рамазон Ҳикмати

Абу Дардонинг ривоят қилишича, ҳазрат Расулulloх (саллоллоху алайҳи ва саллам): "Сизларга намоз, рўза ва садақа даражасидан ҳам афзал амал ҳақида гапирайми?" дедилар.

"Саҳиҳи Термизий"дан
Жаннатда саккизта эшик бор. Улардан бири "Райён" деб номланган. Ундан фақатгина рўзадорлар кирди.

Бухорий ва Муслим ривояти
Яхши кўшничилик кўш-нига озор беришдан тийи-лишнинг ўзини эмас, балки ундан етган озорни кўтариш ҳамдир.

Хасан Басрий
Хушёр киши ул эрурки, агар оламини ҳаммаси ани хусуматиға турсалар, анинг ҳеч ким бирла хусумати бўлмағай...

Сидқий Хондайлиқий
Қалб тириклиги нафсни ўлдириш биландир. Доимо ҳимматли бўлки, ҳиммат ишларнинг қуввати ва ман-басидир.

Санъат фестивали
Ранглар жилосида она юрт тараннуми

Тошкент вилоятида Халқаро анъанавий "Тасвирий ва амалий санъат фестивали" ўтказилди. Санъат анжуманига Чирчиқ шаҳридаги "Кимёгарлар" маданият саройи мезбонлик қилди.



Фестивалнинг очилиш маросимида рангтасвир усталари, санъатшунослар, тасвирий санъат ўқитувчилари, туман ва шаҳарлардан ҳаваскор мусаввирлар ҳамда иқтидорли ўқувчилар, ҳайкалтарошлар, фотографиялар, шунингдек, нафис санъат мухлислари жамулжам бўлишди.

Одамийлик шеvasи

Шаҳарда доврўғи донг кетган "Корзинка" дўконларининг бирига тиркаш улвोजи четида тарвақайлаган ўриси дарахт соясида машинадан тушди. "Уҳ куйдиради-я, куйдиради... (Кунни айтялман...)" Ёнимга оқ "Нексия" келиб тўхтади. Ҳайдовчи томондаги орқа ўриндиқ эшиги очилиб, бошдаги дўпписи қийшайган, қосовдеккина қорайган, озгин, қилтаноққина, майдаияк бир нусха тушди.

Миллий санъатимизнинг авлоддан-авлодга ўтиб келаётган бой меросини, бугунги салоҳият ва ютуқларини кенг тарғиб этиш мақсадида ташкил этилган фестивал доирасида Ўзбекистон халқ рассоми, Ўзбекистон Бадий Академияси академиги, профессор Акмал Икромжонов ва шогирдларининг "Мовийга парвоз",

Рўза КУНИДА

чехрасига янада зиёбахшлик берган отахон биз томонга бир оз ҳайратомуз нигоҳ ташлади. Пишнаб хансираётган барзанги чолга ижирганиб қараб қўйди ва яна одамчага хезланди:
– Тўлайсан. Ҳозир устага борамиз. Мен чидаб туролмадим:
– Оғайни, ўзингизни босанг. Ҳеч нарса қилмаган-ку...
– Мен томирида одамийлик қони қотиб қолган бу бадкирдорнинг қиёфасидан ўзимга, халқимга қардошу қондошлик тафтини туймадим. Йўқ, бу ўзбекмас, қонти бузук бир хунаса, деган хаёлга келдим; билмадим, ким-қимларнинг қони аралаш-қуралаш бу одамёввойидан

айни тобда яхшилик кутиб бўлмасди.
– ГАИ чақираман. Ҳеч қаерга кетмайсанлар, – деди барзанги.
Можарога отахон бош суқди:
– Болам, шифохонага касал олиб кетялмиз. Эмизикли бола. Шунча йўлдан роса бўларимизча бўлиб келялмиз, болам.
Одамча чўнтагидан дастурмолча чиқариб "Спарк"нинг орқа эшигини

– Бўпти, пулини тўлаларинг. Отахон сўлиш олди. Одамча чўнтагини қавадди.
– Яхши иш қилмаяпсиз, оғайни, – дедим ўзимни зўрға тутиб...
Негадир ота жилмайгандай бўлди.
– Қўяверинг ўғлим, биз розимиз. (Сўнг барзангига хотиржам тикилди.) Энди бизга рухсатми, болам?

шова-пиша артган эди, нўхатдек оқ доғ ҳам йўқолди. Ноиложи-нотавонлик нуқси урган шўрликча ачиниб кетдим. Машина ичидан чақалоқнинг чинкириб йиғлагани эшитилди. Орқа ўриндиқ эшиги очилиб куйиб-пишиб кетган, юзида тер кўпчиган қўйи кўксигада гўдагини иргалаб навиҳол бир жувон ҳам тушди. Бола ҳамон чинкирарди.
– Буларни йўлдан қолдирманг. Ҳеч бўлмаса манави норасидага раҳмингиз келсин оғайни...
Барзанги менга қош учирди:
– Айтдим-ку, сиз аралашманг деб. Ана, такси тўхтади бериנג.
– Болам, рўза кунлари, бизни қийнамагин...
Отахон зорланди.

Элмурод НИШОНОВ
Қўчқор НОРҚОБИЛ

